

民國文獻類編續編

社會

卷

18

民國時期文獻保護中心
中國社會科學院近代史研究所

編

國民
文獻
類編
續編

國家圖書館出版社

民國文獻類編續編

社會
卷
18

民國時期文獻保護中心
中國社會科學院近代史研究所
編

國家圖書館出版社

第一八冊目錄

人道教育 交通部上海工業專門學校學生團編 交通部上海工業專門學校學生團，

一九一八年出版 一

北平市社會局救濟院特刊 北平市社會局編 北平市社會局，一九三六年出版 一五

京市救濟院院務報告 南京市社會局救濟院編 南京市社會局救濟院，一九三三年

出版 一二七

河南省立救濟院特刊 河南省立救濟院事務組文牘室編輯 河南省立救濟院事務組

文牘室，一九三五年出版 一五五

民國七年十一月三十日

人道教育

交通部上海工業專門學校學生團印行

人道教育弁言

嗚呼。處今世而言人道。淪胥極矣。古之爲人也。將以判人禽而二之也。今之爲人也。惟恐不合人禽而一之也。是誰之責乎。其教育者之責乎。言教育而不主人道。其能立於共和之世乎。孟子曰。人能充無欲害人之心而仁不可勝用矣。人能充無穿窬之心而義不可勝用矣。孟子生戰國。知仁義之與世鑿柄也。則以無害人無穿窬先之無害人無穿窬人道也。又曰。爭地以戰。殺人盈野。爭城以戰。殺人盈城。我能爲君約與國戰。必克。今之所謂良臣古之所謂民賊也。此皆維持人道之言也。人道晦蒙窮兵黷武者。流方且嗜殺。以爲快。嗚呼。吾民流離顛沛。輾轉溝壑之狀。彼不得而知也。嗚呼。吾民折臂焚身。沈溺自縊之慘。彼不得而見也。嗚呼。吾民憤慨歎息。宛轉哀呼之聲。彼不得而聞也。嗚呼。吾民賣男鬻女。破產蕩家之痛。彼更無所動於中也。若是者何也。由其本心之昧於人道也。然而兵者火也。弗戢將自焚也。不於其身必於其子孫也。無論古今中外。其道一也。是故人羣有強弱而人道則處於最強也。人事有勝敗而人道則處於必勝也。子思子曰。率性之謂道。修道之謂教。孟子曰。仁也者。人也。合而言之道也。蓋吾國固首以人道爲教者也。余向主人格教育。旣而思之人道無存於

人格乎。何有。爰常聚諸同學。晤對一堂。與之析仁義之功用。論人道之本原。發揚孔孟之精蘊。諸同學莫不渙然心得。怡然理順。然後知人道之不絕於天下。而吾國之必可以振興。蓋無疑也。夫博施濟衆。救世仁民。其言非瓠落也。要在於少之時。培養其不忍之心。俾其悱惻纏綿之意。有感而卽發。此孟子所謂苟得其養。無物不長。先立乎其大者。則生機洋溢乎天下。人道有不大明於天下者乎。是非教育者之責乎。今秋諸同學發起湘賑會。冬復發起歐戰協濟會。仁囊之解紛如將伯之呼。不絕諸同學咸爲文以記其事。余披閱之作。而歎曰。是卽余所謂人道教育。今其效果已萌芽乎如是。而推之於他校。推之於他省。更推之於他界。則吾中國人道庶幾其修明乎。是余所馨香以祝之者乎。唐文治蔚芝甫識。

哀歐戰賦

朱叔子

試登崑崙西望平原。山脈縈骨。河流斂魂。尸填日窟。血染月根。天關憤涌。地軸冤噴。雲慘慘兮。巴鋒之島風蕭蕭兮。來茵之漬鳥飛影戢。獸噪聲吞。魚噉之林集焦爛蟻封之墟市毀焚萬里朱殷滌原盪村客指告余曰。此歐戰場也。當夫四五年前。雲帆風馬玉局金歐。葳蕤林麓錯雜田疇。名區基布殷埠星稠。於時百貨山積。萬商水流。都邑相望。壤地各守。戶騰謳歌里成蕃阜。跨襟帶於奧非。運指掌於亞美。柏林則戶口殷閩。巴黎則市場邐迤。倫敦則人可

駕肩維也。納則車不方軌。槃敦雲霧。霽琛波瀾。長子育孫。移民植地。草木之遇陽春。魚龍之嬉海水。自十字軍罷普法戰。已近百年來。全洲無事。碩儒發商戰之精理。賢相棄鐵血之主義。毛奇無預於甲兵。惠靈吞不論於將帥。星軺之使。既多於鯽魚。露舶之番。又聚如羶蟻。璀璨成時代之黃金。和平底文明之極。則奈何。雄心忽起。劫運頓開。九關天動。兩軸地摧。勢如疾電。氣若奔雷。盪厓裂石。飛塵揚灰。始波迅而箭激。終火發而颺回。巨礮之轟。則林薈而山隕也。潛艇之擊。則澗颺而磊砢也。飛機之下射。則城邑化塵埃也。毒燄之狂噴。則金碧爲灰。哀也。攻堅之銳。則血肉糜於利鎚也。掃海之勇。則肢體殉夫傾桅也。水嚮炎而懷憤。山怒標而銜哀。爾迺川原爲焦。林麓如赭。野赭膏流。草殷血灑。日光薄兮。頽垣霜氣稜兮。碎瓦校戰。名城鑿兵。大野死沒。生殘子孤。婦寡封港。食艱有隕。如瀉包圍。援絕有命。難借恆河之數蟲。沙是化大洋爲鑪。全洲爲冶。毒療薰蒸。殺機甜閤。呼號騰灼。骨飛肉墮。誰其致之。曰是暴者。嗚呼。噫嘻。雲飛日駁。敗固分崩。勝亦慘贖。私室飲泣。公庭慶祝。日耳曼。僑薩索。尼屬。幾處。幾人。望祭宵哭。陸壓零。齒水衝敗肉白骨。纍纍黃沙漠漠。陰雨悽悽。腥風簌簌。林燼鳥哀。港鎖魚樂。名都奧區。斷垣空矗。叢山複水。餘燼待撲。元氣之傷。何時能復。生民之厄。罹此慘毒。仁風載揚。復我邦族。殘暴鏟除。子遺休。噢我也聞之。中心如割。取鑒歐禍。庶敦亞睦。彼強不支。

汝弱。奚酷大德曰。生野心。毋作國內之爭。尤宜化速急病。讓夷共輸布粟。庶幾人同邦遊。烏託。

記湘省災民慘狀

蔡其標

嗟乎。老子有言。佳兵不祥。今者三湘七澤之間。受災尤重。校長唐先生發起賑濟會。會同紅十字會沈仲禮先生。於夏初。派同事劉君汝梅。赴湘放賑。於其歸也。亟叩其所經歷。劉君曰。余初偕阮魏武三君。先至長沙。見闌闐蕭條。民皆蹙額。店肆門前。多標搶劫一空。暫難開市。之告白。四鄉土匪如毛。良民遭魚肉者。更不可勝計。城中屯兵。雖衆。防守未遑。不能勦也。蓋南北兩軍一進一退。雞犬爲之不寧。於是民之脂膏竭矣。鄉氓某性謹愿。資可溫飽。匪威逼之。走告兵隊。兵見其可欺。又有所求。某不勝索。有違言。兵怒。搜其室。得鳥槍。疏藥。執爲質。卽格殺之。嗚呼。民誠不知死所矣。旋分道至衡陽。其地爲吳帥駐守。頗能撫輯。其民市廛尙無慘悴狀。而萑苻蠭起於田間。踐踏之於前。強收之於後。田事荒而民食匱。斗米十金。尤乏糴所。兵災既烈。加以荒歉。鄉僻之地。焚掠尤甚。山麓草莽間。饑孥腐尸。數見不鮮。婦孺哀號。老弱垂絕。所在皆是。又至衡山。則更慘不忍覩。南北軍交鋒。四旬餘日。幾成焦土。南嶽之麓。盜匪出沒無常。南與北戰。兵與匪爭。攘擾不休。民不死於匪。卽死於兵。其存者幸耳。而貞女節。

婦死而名不稱者。不知萬幾焉。野有殘肢。剖腹之尸。何亂世之民命。不如螻蟻耶。余聞之酸鼻。更請問於阮魏武三君所言。相類惟寶慶則饑餓而死。較姦掠而死者爲多。裸體而臥血泊之女尸。亦較多。慘毒可想。醴陵株州爲礮彈所燬。頽垣燼餘。滿目悲涼。子遺之民。面無人色。株州遺民僅見十七人。野狗肥滿。蒼蠅如蝗。可知死而無辜者。多矣。聆至此。心悲骨酸。不忍再談。嗚呼。陸桴亭先生有言曰。治國者當使民衣食得所。否則亂。今湘民衣食既絕。則亂而已矣。今日爲人道計。宜先措湘民於安全。歷觀史冊。漢以黃巾亂。唐以巢逆滅。明以流寇亡。荒災足以亡國。昭然若揭。今天下瓦解甚矣。民間生計之困。平均計算。大致乞丐居十之三四。流氓雜其中。一旦潰決。焦頭爛額。挽救云晚。何可不早爲之圖哉。此次校長唐先生發起湘賑。已及半載。前後施濟災區。共計銀圓一萬。許麵粉五千包。棉衣二萬五千件。奔走號呼。不遺餘力。然寶慶來函。猶有八十萬災民。嗷嗷待哺。則輿薪杯水。救濟匪易。故有本屆遊藝大會。爲災民乞一日之命。吾知仁人君子。知湘省兵災如此之重大。定必踴躍捐輸。則非特災民之咸銘德澤矣。是爲記。

歐戰善後募捐感言

陳壽彝

今日之日。是否我國民酣眠之日。是否我學生沉迷之日。試一環觀區宇。曠視宗邦。昔之轟

轟隆隆。集十數國之丁壯相搏於槍林彈雨中者。今已條焉告止矣。昔之堂堂正正高自標榜。誓與友邦掃除武力以維人類之安者。我政府乃無一卒一甲以爲前驅。自始及終。胥無綿力之助焉。則列強其遂滿意於此乎。我國民其遂滿意於此乎。嗚呼。事亟矣。時迫矣。人心之死國運之替。我政府國民皆負其咎矣。雖然。我共和先進之友邦。固不以此而遽絕其望於我國民也。故義聲所倡。寰宇歡騰。振其絕大之雄心。毅力預募一千七百五十兆元之鉅款。以爲戰事善後之用。而徵求我國民作涓滴之助。十萬或數十萬元。惟力是視。彼非有所需乎。此涓滴也。彼蓋將驗我國民之是否酣眠。我學生之是否沉迷也。吾人試思。若并此機會而再逸。則吾儕將等於印度非洲之族。將永淪而不復振矣。然則吾人日責備於我政府。無益也。吾人欲免友邦之藐視。不可得也。何也。吾人自種其因。則必自獲其果也。嗚呼。時迫矣。事亟矣。我國民苟不稍自犧牲於今日。則來日之犧牲正不知其所紀極矣。邦人君子。奈何不興。

哀湘省兵災 步李義山行次西郊韻

朱叔子

午年建戌月。汎舟如昔秦。有客賑地還。歷盡沉湘濱。城邑經洗盪。翰音不聞晨。又苦水潦漲。途次沒梁津。高田長檣櫓。下田淦荆榛。馬矢高於廩。牛骨堆空墩。村落遭焚毀。空餘戰蹟存。

盜賊遍山野。饋之如嚴賓。飢民苦攀轅。哀哀災况陳。憶昔著清淑。山川亦懷仁。菰米饋八方。
椒糲陳六親。耕田復講學。負羽事四鄰。賢哉中興佐。高義指魯困。東南正荒亂。乞糴來臧孫。
奚獨錢布輸。濟濟師武臣。綽繚三湘旗。洞庭奏帝鈞。或則司牧伯。或則主經綸。爾公復爾侯。
南陽多功勳。非獨濟國步。亦以康斯民。奈何政體改。中樞惟威尊。南邦亦俶擾。不念弟昆恩。
紛紛假虞途。驅策如豕豚。兩方正苦鬪。江水爲之渾。號闕苦不足。強兵復調邊。君子厄水火。
爲化鶴。與猿小人命。泥沙逃亡如彫鷹。饕餮旣不給。何力辦犒筵。跳刀肆拍張。怒氣薄蒼旻。
縉紳辱嘲叱。氓隸饕餮彈丸戰。馬繫玉柱武帳廠。華軒有室不得居。衡岳斷炊煙。有田不得種。
沉澧思裳褰。况復苦淫潦。望洋不得前。弱者困沮洳。健者亡山顛。戎臣相犄角。又復懼併吞。
但責運輸數。不聞呼籲頻。仁漿自東來。狂走如江翻。十人不得五。枵腹徒援攀。赤立方。僂僂。
獵獵望旗旛。寒風正凜冽。何以禦艱屯。腸轆復淚絞。共來攀車轡。昔自侯伯裔。生小長高門。
邸第遭焚劫。田園賸空村。張口咽朔風。揮淚連秋雲。解下青珊瑚。挾纊如狂奔。問渠何迫促。
老病臥柴關。山田在衡麓。未知何日旋。昔也甘肥脆。今也苦熬煎。言罷淚如雨。仍世爲高官。
嗷嗷賦鴻澤。孰辨鵠與鸞。亦有菁菁子。羸瘦還臥轅。倉空雀墮晨。壁立鼠喧夜。喧乞薪無宿糧。
借水乏河源。詩書雜馬糞。校舍惟空垣。流離奔無所。竄身山澤間。分作溝中瘠。尅穢苦臊膻。

哀哉。告飢寒。聲吞不復宣。宛宛有弱女。平居姆則先。於盛復於湘。箭篋貯金錢。盈杼更盈袖。衣裳何處單。湘綠供凝睇。峯青試黛鉛。奈何避山間。爨煙不相聯。辛苦蓄餽糧。亦已禦半年。披蘭帶杜蘅。牽蘿補屋椽。東鄰婢娟女。狼藉飲戈鋌。但見烽火警。未聞車馬班。坎珂不得活。欲行又遷延。朝糴蠻與獠。暮乞羌與零。機音苟其早。知此何用望。安全更有農。與商終歲貢。粒珍一惟勤。動著一惟子。母權國家待之薄。祇自扶其根。近來賦稅重。已苦誅求繁。今復火益熱。水深孰救援。縣令畏方鎮。朝廷委諸藩。呼號雖迫切。賑貸目狂狷。坐令蚩蚩者。駢死誰其憐。本末俱無業。何以解倒懸。衡永兩軍間。蟻賊如黃巾。醴洙百里地。餓殍已累千。今之遮道者。老少相板牽。其餘穉婦輩。拋之無慘顏。風饕與雪虐。又在指顧間。不能禦此冬。安望耕來春。君看垂斃者。孰非是黎元。亦有涪王裔。軍門叩無因。祇能戢士卒。仍未靖煙塵。其餘號除暴。聲室窺。逡巡竊恐有衣食。此輩還奪人。謝客來放賑。願客官路循。潭衡數百里。行路忌黃昏。非獨兵災苦。山賊慣劫焚。客聞此言後。愼重將壺飧。滿目齊黔夫。困人復厄天。餓軀支嚴寒。衣單摧心肝。願爲禱蒼天。叩頭乞帝宸。請緩嚴凝降。吾拚焦此脣。米棉輸億萬。援拯乞將軍。欲陳又復止。此言未樂聞。

歐戰勝利頌有序

薛紹清

維民國七年之冬。協約軍奮鬪於西歐戰場。德軍大敗者。再國人騷動。相與逐其皇而請和焉。十一月九日。戰事停簽。約於巴黎。於是綿延四載之大戰告終。舉凡協約國民若英若法若美若意若中日各國莫不歡欣鼓舞。以慶祝戰事勝利。余惟今茲結果固由於協約各國戰士之奮不顧身。以效死於疆場。亦賴國民贊助之熱忱。與夫將軍元帥運籌決策之功。同心一德。以剷除黷武主義。撥雲霧而見天日。幸莫大焉。榮莫甚焉。爰謹爲頌曰。

轟轟大戰。絕古空前。環球震駭。動地驚天。綿延於茲。亦既四年。死亡相繼。百億萬千。履彼西歐。白骨山積。鳥飛不下。羣動歛迹。男子從征。少婦行役。餐風飲露。靡有朝夕。流離顛沛。水熱火深。孰則致是。胡爲相侵。一。二英雄。逞厥野心。天地愁歎。民用呻吟。爰迄今茲。大伸公理。威廉不德。民亦相訾。彼用徹悟。遜位於子。接受條件。干戈息止。戰事底定。人用歡歌。如解嚴寒。以逢陽和。陸則撤防。海不掀波。慶賀勝利。如中狂魔。願祝全球永無戰事。裁撤國軍。永杜猜忌。勿逞野心。慎辨義利。發揚民權。以大以肆。蓄積道德。致力商工。互相扶助。意氣和融。俾壽而昌。亦富以充。化彼國界。底於大同。

哀湘省兵災文

陳體榮

嗟吾民之運蹇兮。遭茲時之艱難。政多門而糾雜兮。邦杌隉而不要。太阿墜而倒持兮。強藩

起而稱干。痛南北之分裂兮。倏戰雲之瀰漫。惟長江之上游兮。湘中首酷其摧殘。溯茲禍之蔓延兮。實胎源於權利黨人肆其構扇兮。政客持其異議紛喧。呶而若醉兮。羣咆哮而狂。異濱桂發難而閉關兮。閩粵追塵而聯轡爭睥睨於湘垣兮。憑天塹而畫地繫兩軍之相薄兮。迅決盪而縱橫。或一鼓而旋下兮。或再接再逾。勍星皆摧爲灰燼兮。蘭澗沒爲榛荆。魚憑城而焚灼兮。鳥失林而哀鳴。赤血凝而湘流壅兮。白骨堆而衡嶽平。矧飽掠以遠颺兮。慘哀怨其誰訴。更淫潦以成災兮。悲傍徨於中露。羌戾氣之所召兮。胡戎首之不悟。雖振撫以煦嫗兮。曾何足慰其呼籲。彼歐戰之延長兮。乃以衛其種族。此湘戰之紛拏兮。實自戕其手足。對外空有悔辭兮。對內不聞修睦。北戒備而設防兮。南乘便而角逐。望九疑之黯淡兮。知禍機之猶伏。恐戰伐之頻仍兮。聞幾家之野哭。觀邑里之蕭條兮。信傷心而慘目。噫吁嘻。列強已構和兮。彼將行及東亞兄弟。猶閱牆兮。吾不知所稅駕。復統一於和平兮。杜干涉于假借。懷外侮之當禦兮。盍降心以相下。湘山峨峨兮。湘水不波。湘土膴膴兮。湘人婆娑。大局轉圜兮。載戢干戈。天心悔禍兮。庶無薦瘥。反哀爲樂兮。其樂孔多。爲民請命兮。當軸云何。

湘民苦十首有序

沈嗣芳

湘省奇災。哀鴻遍野。凡屬同胞。莫不痛閔。不佞學資之餘。捐輸甚微。中心欠然。因成

爲湘民苦十首。無非欲代湘民呼籲耳。詞之鄙俚。弗遑計已。

湘民苦地闊。天長無歸處。朝哭江干點。點斑夕宿荒。郊避豺虎。
湘民苦誰無。阿母誰無父。一旦兵戈捲。地來可憐轉。作溝中侶。
湘民苦誰無。妻子誰無女。大難臨頭各顧生。子女分離妻作虜。
湘民苦不飽。鎗彈赴水府。大浸稽天不及逃。紛紛齊葬江魚肚。
湘民苦水災不死。無糧糈糠粃。荳滓甘如飴。求之不獲空嚼咀。
湘民苦身無寸布。與絲縷刮面。西風冷殺人。百結鶉衣無覓處。
湘民苦苦寒。天若欺貧。窶小閣圍爐煖。若春途人縮頸如龜鼠。
湘民苦見苦不救。天所怒無定河邊白骨多。昔年猶是春閨主。
湘民苦救苦莫大於施。與七級浮圖竟屬虛。眼前功德爲最巨。
湘民苦好施必獲上。天祐主人上。壽子孫昌苦海湘民登彼土。

弔歐戰

周浩泉

拿翁劫後戟初沉。刁斗聲聲戰又深。滑鐵路頭青草赤。萊茵河畔碧流殷。
舟沉釜破人煙絕。野闊天陰鬼火侵。滾滾大洋風浪惡。休將鐵血逞雄心。

湘事雜感

薛紹清

燃。其。煮。豆。實。堪。傷。國。本。飄。搖。偏。自。戕。零。落。山。河。增。感。慨。不。堪。回。首。是。三。湘。
無。端。洪。水。下。湘。天。競。逐。波。臣。劇。可。憐。舊。業。乍。隨。飄。浪。盡。更。堪。擊。鼓。哭。年。
寒。風。蕭。瑟。日。西。斜。忍。聽。雛。童。喚。阿。爺。乞。食。他。鄉。真。不。易。不。知。何。處。是。吾。家。
薄。棉。破。絮。過。朝。朝。無。米。難。炊。任。腹。枵。悽。絕。汨。羅。江。水。裏。冤。魂。無。語。夜。迢。迢。

(定價實洋壹角)